



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ.010512953, էլ. փոստ patrol-service@police.am

N

9/1/2872

< 19 > 01 2022թ.

Սամվել Խաչատրյանին
Հասցե՝ ք. Երևան, Մոլդովական 7

Ուղարկում եմ ՀՀ ոստիկանության պարեկային ծառայության իրավաբանական բաժանմունքում վարչական մարմնի նախաձեռնությամբ Ձեր նկատմամբ կայացված թիվ 8180139932 վարչական ակտն անվավեր ճանաչելու մասին որոշման օրինակը:

Առդիր՝ <<2>> թերթից:

Հարգանքով՝

Պետ, ոստիկանության գնդապետ՝

Ա. ՈՒՄՐՇԱՏՅԱՆ

կատարող՝ Ն. Քոչարյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման
վերաբերյալ գործով 02.06.2022 թ.-ին կայացված թիվ 8180139932 որոշումն
անվավեր ճանաչելու մասին

18.07.2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 02.06.2022թ. կայացված թիվ 8180139932 որոշումը,

Պ Ա Ր Զ Ե Ց Ի

2022 թվականի հունիսի 16-ին ստացվել է ՀՀ ոստիկանության պարեկային ծառայության Երևան քաղաքի գնդի 1-ին գումարտակի հրամանատար, ոստիկանության փոխգնդապետ Ա. Դադոյանի զեկուցագիրն այն մասին, որ նույն գումարտակի 1-ին վաշտի ավագ պարեկ Մարինե Հովակիմյանը կայացրել է թիվ 8180139932 որոշումն այն մասին, որ քաղաքացի Սամվել Խաչատրյանը 02.06.2022թ.-ին՝ ժամը 04:00-ի սահմաններում, ք. Երևան Մոսկովյան փողոցում վարել է «Վագ» մակնիշի X942TO56 RUS հ/հ-ի տ/մ-ն՝ ոչ սթափ վիճակում, մինչդեռ պարզվել է, որ քաղաքացի Սամվել Խաչատրյանը նույն արարքով վրաերթի է ենթարկել քաղաքացու, ով մահացել է, այսինքն Ս. Խաչատրյանի արարքում առկա են ՀՀ քրեական օրենսգրքով նախատեսված արարք:

Զեկուցագրին կից ներկայացվել են պարեկ Մարինե Հովակիմյանի զեկուցագիրը, վարչական իրավախախտման վերաբերյալ արձանագրությունը, թիվ 8180139932 որոշումը,

Զեկուցագրում նշված հանգամանքները հաստատվել են նաև բողոքարկման վարույթի ընթացքում ձեռք բերված՝ 02.06.2022թ.-ի քրեական գործ հարուցելու և վարույթ ընդունելու մասին որոշման ուսումնասիրությամբ, համաձայն որի քաղաքացի Սամվել Խաչատրյանը 02.06.2022թ.-ին՝ ժամը 03:30-ի սահմաններում, ք. Երևան Մոսկովյան փողոցում «Վագ» մակնիշի X942TO56 RUS հ/հ-ի տ/մ-ով վրաերթի է ենթարկել քաղաքացի Գոհար Էդվարդի Մելիքյանին և անզգուշությամբ նրան պատճառել մահ: Փաստի առթիվ հարուցվել է թիվ 60101822 քրեական գործը՝ ՀՀ քրեական օրենսգրքի 242-րդ հոդվածի 2-րդ մասի հատկանիշներով (Ներկայիս ՀՀ քրեական օրենսգրքի 342-րդ հոդված):

ՎԻՎՕ 9-րդ հոդվածի 2-րդ պարբերությունը սահմանում է, որ սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Տվյալ պարագայում ՀՀ ոստիկանության պարեկային ծառայության Երևան քաղաքի գնդի 1-ին գումարտակի 1-ին վաշտի ավագ պարեկ Մարինե Հովակիմյանը թիվ 8180139932 որոշումը կայացրել է օրենքի սխալ կիրառմամբ, այսինքն՝ ընդունել է ոչ իրավաչափ վարչական ակտ, քանի որ քաղաքացի Սամվել Խաչատրյանի արարքում առկա է ՀՀ քրեական օրենսգրքով նախատեսված արարք, ուստի թիվ 8180139932 որոշումը ենթակա է անվավեր ճանաչման և բեկանման:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 02.06.2022թ. կայացված թիվ 8180139932 որոշումը ճանաչել անվավեր:
2. Որոշման պատճենը երեք աշխատանքային օրվա ընթացքում հանձնել Սամվել Խաչատրյանի և ՀՀ ոստիկանության պարեկային ծառայության Երևան քաղաքի գունդ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետ, ոստիկանության գնդապետ՝



Ա. ՈՒՄՐՇԱՏՅԱՆ